

四庫全書

集部

欽定四庫全書

唐詩鏡卷二十二

明 陸時雍 編

盛唐第十四

杜甫 二

五言古詩

發秦州

乾元二年冬自秦州如同谷至成都紀行所作

我哀更懶拙生事不自謀
無食問樂土無衣思南州
漢

源十月交天氣涼如秋草木未黃落沉聞山水幽栗亭
名更佳下有良田疇充腸多薯蕷崖蜜亦易求密竹復
冬笋清池可方舟雖傷旅寓遠庶遂平生遊此邦俯要
衝實恐人事稠應接非本性登臨未銷憂谿谷無異石
塞田始微收豈復慰老夫惘然難久留日色隱孤戍烏
啼滿城頭中宵驅車去飲馬寒塘流磊落星月高蒼茫
雲霧浮大哉乾坤內吾道長悠悠

元氣
濛濛

赤谷

天寒霜雪繁遊子有所之豈但歲月暮重來未有期晨
發赤谷亭險艱方自茲亂石無改轍我車已載脂山深
苦多風落日童稚饑悄然村墟迴煙火何由追貧病轉
零落故鄉不可思常恐死道路永為高人嗤

老杜發秦州一段詩正入細所以首首可誦凡好
高好奇便與物情相遠人到歷鍊既深事理物情
入手知向高
奇一無用處

鐵堂峽

山風吹遊子縹緲乘險絕硤形藏堂隍壁色立積鐵徑
摩穹蒼蟠石與厚地裂修纖無限竹嵌空太始雪威遲
哀壑底徒旅慘不悅水寒長冰橫我馬骨正折生涯抵
弧矢盜賊殊未滅飄蓬踰三年回首肝肺熱

語語深
貼有味

鹽井

鹵中草木白青者官鹽煙官作既有程煮鹽煙在川汲
井歲捐捐月骨切出車日連連自公斗三百轉致斛六千

君子慎止足小人苦喧聞我何良嘆嗟物理固自然

自公斗三百轉致斛
六千此是肆課佳記

附青陽峽 塞外苦厭山南行道彌惡岡巒相經亘
雲水氣參錯林迴映角來天側壁面削礫西五里石
奮怒向我落仰看日車側俯恐坤軸弱魑魅嘯有風
霜霰浩漠漠昨憶踰隴坂高秋視吳嶽東笑蓮花卑
北知崆峒薄超然俾壯觀已謂殷寥廓矣兀猶
赴人及茲歎冥冥 語多險僻猶有曩時之態

龍門鎮

細泉煎輕冰沮洳棧道濕不辭辛苦行迫此短景急石
門雲雪隘古鎮峯巒集旌竿暮慘澹風水白刃澀胡馬

屯成羣防虞此何及嗟爾遠戍人山寒夜中泣

石龕

熊羆咆我東虎豹號我西我後鬼長嘯我前戎又啼天
寒昏無日山遠道路迷驅車石龕下仲冬見虹蜺伐竹
者誰子悲歌上雲梯為官采美箭五歲供梁齊苦云直
簞盡無以充提攜奈何漁陽騎颯颯驚烝黎

此詩氣局最
寬語致最簡

積草嶺

白注云
同谷界

連峯積長陰白日遮隱見颼颼林響交慘慘石狀變山
分積草嶺路異明水縣旅泊吾道窮衰年歲時倦卜居
尚百里休駕投諸彥邑有佳主人情如已會面來書語
絕妙遠客驚深眷食蕨不願餘茅茨眼中見

鳳凰臺

成州有鳳凰山即秦
弄玉與蕭史吹簫處

亭亭鳳凰臺北對西康州西伯今寂寞鳳聲亦悠悠山
峻路絕蹤石林氣高浮安得萬丈梯為君上上頭恐有
無母雛饑寒日啾啾我能剖心血飲啄慰孤愁心以當

竹實炯然忘外求血以當醴泉豈徒比清流所重王者
瑞敢辭微命休坐看彩翮長舉意八極周自天銜瑞圖
飛下十二樓圖以奉至尊鳳以垂鴻猷再光中興業一
洗蒼生憂深衷正為此羣盜何淹留

憂時濟世
熱腸滿抱

發同谷縣

自注云乾元二年十二月
一日自隴右赴劔南紀行

賢有不黔突聖有不煖席況我饑愚人焉能尚安宅始
來茲山中休駕喜地僻奈何迫物累一歲四行役忡忡

去絕境杳杳更遠適停驂龍潭雲回首虎崖石臨岐別
數子握手淚再滴交情無舊深窮老多慘感平生嬾拙
意偶值棲遁迹去住與願違仰慙林間翮

萬丈潭

在同谷縣

清谿合冥漠神物有顯晦龍依積水蟠窟壓萬丈內跼
步凌垠堦側身下煙靄前臨洪濤寬却立蒼石大山危
一徑盡岸絕兩壁對削成根虛無倒影垂澹瀨
徒對切黑
知灣環底清見光炯碎孤雲倒來深飛鳥不在外高蘿

成帷幄寒木疊旌旆遠川曲通流嵌竇潛洩瀨造幽無人境發興自我輩告歸遺恨多將老斯遊最閉藏修鱗蟄出入巨石礙何當暑天過快意風雲會

句多
苦鍊

木皮嶺

首路栗亭西尚想鳳凰村季冬攜童稚辛苦赴蜀門南登木皮嶺艱險不易論汗流被我體祁寒為之暄遠岫爭輔佐千巖自崩奔始知五嶽外別有他山尊仰千塞

大明俯入裂厚坤再聞虎豹鬬屢跼風水昏高有廢閣
道摧折如短轅下有冬青林石上走長根西崖特秀發
煥若靈芝繁潤聚金碧氣清無沙土痕憶觀崑崙圖目
擊玄圃存對此欲何適默傷垂老魂

白沙渡

畏途隨長江渡口下絕岸差池下舟楫杳窅入雲漢天
寒荒野外日暮中流半我馬向北嘶山猿飲相喚水清
石礪礪沙白灘漫漫迴然洗愁辛多病一疎散高壁抵

嶽崙洪濤越凌亂風獨回首攬轡復三歎

水會渡

山行有常程中夜尚未安微月沒已久崖傾路何難大江動我前洶若溟渤寬篙師暗理楫歌笑輕波瀾霜濃木石滑風急手足寒入舟已千憂陟嶽仍萬盤回眺積水外始知衆星乾遠遊令人瘦衰疾慙加餐

飛仙閣

華陽國志諸葛亮相蜀鑿石架空為飛梁閣道

土門山行窄微徑緣秋毫棧雲闌干峻梯石結構牢萬

壑鼓疎林積陰帶奔濤寒日外澹泊長風中怒號歌鞍
在地底始覺所歷高往來雜坐卧人馬同疲勞浮生有
定分饑飽豈可逃歎息謂妻子我何隨汝曹

五盤

五盤雖云險山色佳有餘仰凌棧道細俯映江水疎地
僻無網罟水清反多魚好鳥不妄飛野人半巢居喜見
淳朴俗坦然心神舒東郊尚格鬪巨猾何時除故鄉有
弟妹流落隨丘墟成都萬事好豈若歸吾廬

龍門閣

清江下龍門絕壁無尺土長風駕高浪浩浩自太古危
途中縈盤仰望垂線縷滑石敢難鑿浮梁裊相挂目眩
隕雜花頭風吹過雨百年不敢料一墜那得取飽聞經
瞿塘足見度大庾終身歷艱險恐懼從此數

石櫃閣

季冬日已長山晚半天赤蜀道多早花江間饒奇石
石櫃曾波上臨虛蕩高壁清暉迴羣鷗暝色帶遠客羈栖

負幽意感歎向絕迹信甘孱懦嬰不獨凍餒迫優游謝
康樂放浪陶彭澤吾衰未自由謝爾性有適

桔柏渡

青冥寒江渡駕竹為長橋竿濕煙漠漠江水風蕭蕭連
竿動婀娜征衣颯飄飄急流鵝鷖散絕岸鼉鼉驕西轅
自茲異東逝不可要高通荆門路濶會滄海潮孤光隱
顧盼遊子悵寂寥無以洗心胸前登但山椒

輕蔚可喜
杜集所稀

劍門

惟天有設險，劍閣天下壯。
連山抱西南，石角皆北向。
兩崖崇墉倚，刻畫城郭狀。
一夫怒臨關，百萬未可傍。
珠玉走中原，岷峨氣淒愴。
三皇五帝前，雞犬自相放。
後王尚柔遠，職貢道已喪。
至今英雄人，高視見霸王。
并吞與割據，極力不相讓。
吾將罪真宰，意欲鏹壘嶂。
恐此復偶然，臨風默惆悵。

早發射洪縣南途中作

將老憂貧竄筋力豈能及征途乃侵星得使諸病入鄙
人寡道氣在困無獨立傲裝逐徒旅達曙陵險澀寒日
出霧遲清江轉山急僕夫行不進駕馬若維繫汀洲稍
疎散風景開快悒空慰所尚懷終非曩遊集衰顏偶一
破勝事難屢挹茫然阮籍途更洒楊朱泣

成都府

翳翳桑榆日照我征衣裳我行山川異忽在天一方但
逢新人民未卜見故鄉大江東流去遊子去日長曾城

填華屋季冬樹木蒼喧然名都會吹簫聞笙簧信美無
與適側身望川梁鳥雀夜各歸中原杳茫茫初月出不
高衆星尚爭光自古有羈旅我何苦哀傷

鳥雀夜各歸中原杳茫茫初月出不高
衆星尚爭光氣韻高雅意象更入微茫

宿鑿石浦

早宿賓從勞仲春江山麗飄風過無時舟楫不敢繫迴
塘淡暮色日沒衆星嘒缺月殊未生青燈死分翳窮途
多俊異亂世少恩惠鄙夫亦放蕩草草頻卒歲斯文憂

患餘聖哲垂彖繫

早發

有求常百慮斯文亦吾病以茲朋故多窮老驅馳併早
行篙師怠席挂風不正昔人戒垂堂今則奚奔命濤翻
黑蛟躍日出黃霞映煩促瘴豈侵頹倚睡未醒僕夫問
盥櫛暮顏靦青鏡隨意簪葛巾仰慙林花盛側聞夜來
寇幸喜囊中淨艱危作遠客干請傷直性薇蕨餓首陽
粟馬資歷聘賤子欲適從疑誤此二柄

次晚洲

參錯雲石稠波陀風濤壯晚洲適知名秀色固異狀棹
經垂猿把身在度鳥上擺浪散帙妨危沙折花當羈離
暫愉悅羸老反惆悵中原未解兵吾得終疎放

棹經垂猿把身在度
鳥上寫景不煩而得

遣興

賀公雅吳語在位常清狂上疏乞骸骨黃冠歸故鄉興
氣不可致斯人今則亡山陰一茅宇江海日淒涼

吾憐孟浩然，衲褐即長夜。賦詩何必多，往往凌鮑謝。
清江空舊魚，春雨餘甘蔗。每望東南雲，令人幾悲吒。

遣興

朝逢富家葬，前後皆輝光。共指親戚大，總麻百夫行。
送者各有死，不須羨其強。君看束縛去，亦得歸山岡。

名言 不須羨
其強語 最有味

遣興三首

蓬生非無根，漂蕩隨高風。天寒落萬里，不復歸本藪。
客

子念故宅三年門巷空悵望但烽火戎車滿關東生涯
能幾何常在羈旅中

我今日夜憂諸弟各異方不知死與生何況道路長避
寇一分散饑寒永相望豈無柴門歸欲出畏虎狼仰看
雲中鴈禽鳥亦有行

昔在洛陽時親友相追攀送客東郊道遨遊宿南山煙
塵阻長河樹羽成臯間回首載酒地豈無一日還丈夫
貴壯健慘戚非朱顏

語氣慷慨
灑落

遣興

高秋登寒山南望馬邑州
降虜東擊胡壯健盡不留
穹廬莽牢落上有行雲愁
老弱哭道路願聞甲兵休
鄴中事反覆死人積如丘
諸將已茅土載驅誰與謀

諸將二語
當時深患

述懷

去年潼關破妻子隔絕久
今夏草木長脫身得西走
麻

鞋見天子衣袖露兩肘朝廷慙生還親故傷老醜涕淚
受拾遺流離主恩厚柴門雖得去未忍即開口寄書問
三川不知家在否比聞同罹禍殺戮到雞狗山中漏茅
屋誰復依戶牖推頽蒼松根地冷骨未朽幾人全性命
盡室豈相偶嶽峯猛虎場鬱結回我首自寄一封書今
已十月後反畏消息來寸心亦何有漢運初中興生平
老耽酒沈思歡會處恐作窮獨叟

解憂

減米散同舟路難思共濟向來雲濤盤

自注云雲濤盤灘名極為險阻

衆力亦不細呀吭瞥眼過飛櫓本無蒂得失瞬息間致
遠猶恐泥百慮視安危分明曩賢計茲理庶可廣拳拳
期勿替

此老杜一時漫興遂
開腐儒議論之門

上水遣懷

我衰太平時身病戎馬後蹭蹬多拙為安得不皓首驅
馳四海內童穉日餬口但遇新少年少逢舊親友低顏

下色地故人知善誘後生血氣豪舉動見老醜窮迫挫
曩懷常如中風走一紀出西蜀于今向南斗孤舟亂春
華暮齒依蒲柳冥冥九疑葬聖者骨已朽蹉跎陶唐人
鞭撻日月久中間屈賈輩讒毀竟自取鬱沒二悲魂蕭
條猶在否齒岸清湘石逆行雜林藪篙工密逞巧氣若
酣杯酒譌謳互激遠回幹明受授善知應觸類各藉脫
頽手古來經濟才何事獨罕有蒼蒼衆色晚熊挂玄蛇
吼黃羆在樹顛正為羣虎守羸骸將何適履險顏益厚

庶與達者論吞聲混瑕垢

述古

赤驥頓長纓非無萬里姿悲鳴淚至地為問馭者誰鳳
凰從天來何意復高飛竹花不結實念子忍朝饑古來
君臣合可以物理推賢人識定分進退固其宜

佳人

絕代有佳人幽居在空谷自云良家子零落依草木闕
中昔喪亂兄弟遭殺戮官高何足論不得收骨肉世情

惡衰歇萬事隨轉燭夫婿輕薄兒新人美如玉合昏尚
知時鴛鴦不獨宿但見新人笑那聞舊人哭在山泉水
清出山泉水濁侍婢賣珠回牽蘿補茅屋摘花不插髮
采栢動盈掬天寒翠袖薄日暮倚脩竹

在山泉水清出山泉水濁語何自持天寒翠
袖薄日暮倚脩竹並更於重端人不作佻語

遭田父泥飲美嚴中丞

步屣隨春風村村自花柳田翁逼社日邀我嘗春酒酒
酣誇新尹畜眼未見有回頭指大男渠是弓弩手名在

飛騎籍長番歲時久前日放營農辛苦救衰朽差科死
則已誓不舉家走今年大作社拾遺能住否叫婦開大
餅盆中為吾取感此氣揚揚須知風化首語多雖雜亂
說尹終在口朝來偶然出自卯將及酉久客惜人情如
何拒鄰叟高聲索果栗欲起時被肘指揮過無禮未覺
村野醜月出遮我留仍嗔問升斗

村朴處

正好

秋行官張望督促東渚耗稻向畢清晨遣女奴

阿稽豎子阿穀往問

東渚雨今足，佇聞秔稻香。上天無偏頗，頗蒲稗各自良。

人情見非類，田家戒其荒。功夫競搢搢，

苦骨切

除草置岸傍。

穀者命之本，客居安可忘。青春具所務，勤墾免亂常。吳牛力容易，並驅動莫當。豐苗亦已穰，雲水照方塘。有生固蔓延，靜一資隄防。督領不無人，提攜頗在綱。荆揚風土煖，肅肅候微霜。尚恐主守疎，用心未甚臧。清朝遣婢僕，寄語踰崇岡。西成聚必散，不獨陵我倉。豈要仁里譽，

感此亂世忙北風吹薰葭蟋蟀近中堂荏苒百工休鬱紆遲暮傷

意氣
滿懷

課伐木 并序

課隸人伯夷辛秀信行等入谷斬陰木人日四根止
維條伊枚正直挺然晨征暮返委積庭內我有藩籬
是缺是補載截篠蕩伊杖支持則旅次于小安山有
虎知禁若恃爪牙之利必昏黑撞突夔人屋壁列樹

白菊鏤為牆實以竹示式遏為與虎近混淪乎無良
賓客憂害馬之徒苟活為幸可嘿息已作詩示宗武

誦

長夏無所為客居課奴僕清晨飯其腹持斧入白谷青
冥層巔後十里斬陰木人肩四根已亭午下山麓尚聞
丁丁聲功課日各足蒼皮見委積素節相照燭藉汝跨
小籬當杖苦虛竹空荒咆熊羆乳獸待人肉不示知禁
情豈惟干戈哭城中賢府主處貴如白屋蕭蕭理體靜

蜂虿不敢毒虎穴連里閭隄防舊風俗泊舟滄江岸久
客慎所觸舍西崖嶠壯雷雨蔚含蓄牆宇資屢修衰年
怯幽獨爾曹輕執熱為我忍煩促秋光近清岑季月當
泛菊報之以微寒共給酒一斛

屏跡

衰年甘屏跡幽事供高卧鳥下竹根行龜開萍葉過年
荒酒價乏日併園蔬課獨酌甘泉歌歌長擊樽破

老杜不長作俊語鳥下竹根行
龜開萍葉過未見其景趣之饒

除草

自注云去蕪也按蕪音
潛又除炎切山韭也

草有害於人曾何生阻修其毒甚蜂蠆其多彌道周清
晨步前林江色未散憂芒刺在我眼焉能待高秋霜雪
一霑凝蕪葉亦難留荷鋤先童稚日入仍討求轉致水
中央豈無雙釣舟頑根易滋蔓敢使依舊丘自茲藩籬
曠更覺松竹幽芟夷不可闕疾惡信如讐

芟盡蕪穢神趣
蔚然遂臻大雅

營屋

我有陰江竹能令朱夏寒陰通積水內高入浮雲端甚
疑鬼物憑不顧剪伐殘東偏若面勢戶牖可永安愛惜
已六載茲晨去千竿蕭蕭見白日洶洶開奔湍度堂匪
華麗養拙異考槃草茅雖雉葺衰病方少寬洗然順所
適此足代加餐寂無斤斧響庶遂憩息歡

草堂

昔我去草堂蠻夷塞成都今我歸草堂成都適無虞請
陳初亂時反覆乃須臾大將赴朝廷羣小起異圖中宵

斬白馬盟歆氣已麤西取邛南兵北斷劒閣隅布衣十
數人亦擁專城居其勢不兩大始聞蕃漢殊西卒却倒
戈賊臣互相誅焉知肘腋禍自及梟獍徒義士皆痛憤
紀綱亂相踰一國實三公萬人欲為魚唱和作威福孰
肯辨無辜眼前列杻械背後吹笙竽談笑行殺戮濺血
滿長衢到今用鉞地風雨聞號呼鬼妾與鬼馬色悲充
爾娛國家法令在此又足驚吁賤子且奔走三年望東
吳弧矢暗江海難為遊五湖不忍竟舍此復來雉榛蕪

入門四松在步屨萬竹疎舊犬喜我歸低徊入衣裾鄰
里喜我歸沽酒攜胡蘆大官喜我來遣騎問所須城郭
喜我來賓客隘村墟天下尚未寧健兒勝腐儒飄飄風
塵際何地置老夫於時見疣贅骨髓幸未枯飲啄媿殘
生食薇不敢餘

下語處不失分寸所謂老手

園人送瓜

江間雖炎瘴瓜熟亦不早栢公鎮夔國滯務茲一掃食

新先戰士共少及谿老傾筐蒲鴿青滿眼顏色好竹竿
接嵌竇引注來鳥道浮沈亂水玉愛惜如芝草落刀嚼
冰霜開懷慰枯槁許以秋蒂除仍看小兒抱東陵跡蕪
絕楚漢休征討園人非故侯種此何草草

愛其一
味本色

大雨

西蜀冬不雪春農尚嗷嗷上天回哀眷朱夏雲鬱陶執
熱乃沸鼎纖絺成緼袍風雷颯萬里霈澤施蓬蒿敢辭

茅葦漏已喜黍豆高三日無行人二江聲怒號流惡邑
里清矧茲遠江臯荒庭步鶴鶴隱几望波濤沈疴聚藥
餌頓忘所進勞則知潤物功可以貸不毛陰色靜隴畝
勸耕自官曹四鄰出來耜何必吾家操

谿漲

當時浣花橋谿水纔尺餘白石明可把水中有行車秋
夏忽泛溢豈惟入吾廬蛟龍亦狼狽況是鼈與魚茲晨
已半落歸路跬步疎馬嘶未敢動前有深填淤青青屋

東麻散亂床上書不意遠山雨夜來復何如我遊都市
間晚憩必村墟乃知久行客終日思其居

如此正好過
此則生病矣

雨

山雨不作泥江雲薄為霧晴飛半嶺鶴風亂平沙樹明
滅洲景微隱見巖姿露拘悶出門遊曠絕經目趣消中
日伏枕卧久塵及屨豈無平肩輿莫辨望鄉路兵戈浩
未息蛇虺反相顧悠悠邊月破鬱鬱流年度針灸阻朋

曹糖粃

胡骨切

對童孺一命須屈色新知漸成故窮荒益

自卑飄泊欲誰訴
疋羸愁應接俄頃恐違迂浮俗何萬
端幽人有高步
龐公竟獨往尚子終罕遇宿留音秀洞
庭秋天寒瀟湘素杖策可入舟送此齒髮暮

雷

大旱山嶽焦密雲復無雨南方瘴癘地罹此農事苦封
內必舞雩峽中喧擊鼓真龍竟寂寞土梗空俯僂吁嗟
公私病稅斂缺不補故老仰面啼瘡痍向誰數暴疋或

前聞鞭巫非稽古請先偃甲兵處分聽人主萬邦但各
業一物休盡取水旱其數然堯湯免親覩上天燦金石
羣盜亂豺虎二者存一端愆陽不猶愈昨宵殷其雷風
過齊萬弩復吹霾翳散虛覺神靈聚氣暍腸胃融汗滋
衣裳污吾衰猶計拙失望築場圃

牽牛織女

牽牛出河西織女處其東萬古永相望七夕誰見同神
光竟難候此事終蒙朧颯然精靈合何必秋遂通亭亭

新妝立龍駕具層空世人亦為爾祈請走兒童稱家隨
豐儉白屋達公宮膳夫翊堂殿鳴玉淒房櫳曝衣遍天
下曳月揚微風蛛絲小人態曲綴瓜果中初筵哀重露
日出甘所終嗟汝未嫁女秉心鬱沖沖防身動如律竭
力機杼中雖無舅姑事敢昧織作功明明君臣契咫尺
或未容義無棄禮法恩始夫婦恭大小有佳期戒之在
至公方圓苟齟齬丈夫多英雄

茫茫落落是最佳處

一犯手便生可憎

杜鵑

西川有杜鵑東川無杜鵑涪萬無杜鵑雲安有杜鵑我
昔遊錦城結廬錦水邊有竹一頃餘喬木上參天杜鵑
暮春至哀哀叫其間我見常再拜重是古帝魂生子百
鳥巢百鳥不敢嗔仍為餒其子禮若奉至尊鴻鴈及羔
羊有禮太古前行飛與跪乳識序又知恩聖賢吾法則
付與後世傳君看禽鳥情猶解事杜鵑今忽暮春間值
我病經年身病不能拜淚下如迸泉

宣情未暢不
若鳳凰臺佳

望嶽

南嶽配朱鳥秩禮自百王歟吸領地靈瀕洞半炎方邦
家用祀典在德非馨香巡狩何寂寥有虞今則亡洎吾
隘世網行邁越瀟湘渴日絕壁出漾舟清光旁祝融五
峯尊峯峯次低昂紫蓋獨不朝爭長葉相望恭聞魏夫
人羣仙夾翱翔有時五峯氣散風如飛霜牽迫恨脩途
未暇杖崇岡歸來覬命駕沐浴休玉堂三歎問府主曷

以贊我皇牲璧忍衰俗神其思降祥

老俊又
平而雅

唐詩鏡卷二十二

欽定四庫全書

唐詩鏡卷二十三

明 陸時雍 編

盛唐第十五

杜甫 三

七言古詩

今夕行

今夕何夕歲云徂更長燭明不可孤
咸陽客舍一事無

相與博塞

先代切

為歡娛憑陵大叫呼五白袒跣不肯成

集盧英雄有時亦如此邂逅豈即非良圖君莫笑劉毅

從來布衣願家無儋石輸百萬

飲中八僊歌

李白傳云李白自知不為親近所容益驚放不修
與賀知章李適之汝陽王璣崔宗之蘇晉張旭焦

遂為酒

中八僊

知章騎馬似乘船眼花落井水底眠汝陽三斗始朝天
道逢麴車口流涎恨不移封向酒泉左相日興費萬錢

飲如長鯨吸百川銜杯樂聖稱避賢宗之瀟灑美少年
舉觴白眼望青天皎如玉樹臨風前蘇晉長齋繡佛前
醉中往往愛逃禪李白一斗詩百篇長安市上酒家眠
天子呼來不上船自稱臣是酒中仙張旭三杯草聖傳
脫帽露頂王公前揮毫落紙如雲煙焦遂五斗方卓然
高談雄辯驚四筵

瓶格既高描神復妙
此詩宛如寫照

麗人行

三月三日天氣新長安水邊多麗人態濃意遠淑且真
肌理細膩骨肉勻繡羅衣裳照暮春盛金孔雀銀麒麟
頭上何所有翠微烏合切葉垂鬢脣背後何所見珠壓

腰切袂

音

穩稱身就中雲幕椒房親賜名大國號與秦紫

駝之峯出翠釜水晶之盤行素鱗犀筋厭飲久未下鷹
刀縷切空紛綸黃門飛鞚不動塵御厨絲絡送八珍簫
鼓哀吟感鬼神賓從雖還實要津後來鞍馬何逡巡當
軒下馬入錦茵楊花雪落覆白蘋青鳥飛去銜紅巾炙

手可熱勢絕倫慎莫近前丞相嗔

色古而厚點染處謂其墨氣太重楊花雪落覆白
蘋青鳥飛去銜紅巾是暗影語總之不是良法

漢陂行

在鄆縣

岑參兄弟皆好奇攜我遠來遊漢陂
天地黯慘忽異色波濤萬頃堆琉璃
瑠璃汗漫泛舟人事殊興極憂思集
鼉作鯨吞不復知惡風白浪何嗟及
主人錦帆相為開舟子喜甚無氛埃
鳬鷺散亂棹謳發絲管啁啾空翠來
沈竿續蔓深莫測菱葉荷花靜如拭
宛在中流渤澥清

下歸無極終南黑半陂已南純浸山動影裊窕沖融間
船舫暝戛雲際寺水面月出藍田關此時驪龍亦吐珠
馮夷擊鼓羣龍趨湘妃漢女出歌舞金支翠旗光有無
咫尺但愁雷雨至蒼茫不曉神靈意少壯幾時奈老何
向來哀樂何其多

未到
真趣

樂遊園歌

自注云晦日賀蘭
楊長史筵醉中作

樂遊古園萃森爽煙綿碧草萋萋長公子華筵勢最高

秦川對酒平如掌，長生木瓢示真率。
更調鞍馬狂歡賞，青春波浪芙蓉園。
白日雷霆夾城仗，閭闔晴開誅蕩蕩。
曲江翠幕排銀榜，拂水低迴舞袖翻。
綠雲清切歌聲上，却憶年年人醉時。
只今未醉已先悲，數莖白髮那拋得。
百罰深杯亦不辭，聖朝已知賤士醜。
一物自荷皇天慈，此身飲罷無歸處。
獨立蒼茫自詠詩。

青春波浪芙蓉園，白日雷霆夾城仗。
語意欲得飽綻如此，甚多老杜下句往往費力拂水低迴舞袖翻綠雲清切歌聲上在杜謂
極輕俊矣然讀之猶覺吃力

沙苑行

唐置沙苑監掌
牧養在同州

君不見左輔白沙白如水繚以周牆百餘里龍媒昔是
渥洼生汗血今稱獻於此苑中駉牝三千匹豐草青青
寒不死食之豪健西域無每歲攻駒冠邊鄙王有虎臣
司苑門入門天廄皆雲屯驕驕一骨獨當御春秋二時
歸至尊至尊內外馬盈億伏櫪在坳空大存逸羣絕足
信殊傑倜儻權奇難具論纍纍埽阜藏奔突往往陂陁
縱超越角壯翻同麋鹿遊浮深簸蕩鼃鼃虛泉出巨魚

長比人丹砂作尾黃金鱗豈知異物同精氣雖未成龍
亦有神

結得
宕

兵車行

車轡轡馬蕭蕭行人弓箭各在腰
爺孃妻子走相送

自注

云古樂府不聞爺娘喚女
聲但聞黃河流水鳴濺濺

塵埃不見咸陽橋牽衣頓足

攔道哭哭聲直上千雲霄道傍過者問行人行人但云
點行頻或從十五北防河便至四十西營田去時里正

與裏頭歸來頭白還戍邊邊庭流血成海水武皇開邊
意未已君不見漢家山東二百州千村萬落生荆杞縱
有健婦把鋤犁禾生隴畝無東西沉復秦兵耐苦戰被
驅不異犬與雞長者雖有問役夫敢伸恨且如今年冬
未休闕西卒縣官急索租租稅從何出信知生男惡反
是生女好生女猶得嫁比鄰生男埋沒隨百草君不見
青海頭古來白骨無人收新鬼煩冤舊鬼哭天陰雨濕
聲啾啾

起結最
是古意

醉時歌贈廣文館學士鄭虔

諸公衮衮登臺省廣文先生官獨冷
甲第紛紛厭梁肉
廣文先生飯不足先生有道出羲皇
先生有文過屈宋
德尊一代常轍軻名垂萬古知何用
杜陵野客人更嗤
被褐短窄鬢如絲日糴太倉五升米
時赴鄭老同襟期
得錢即相覓沽酒不復疑忘形到爾
汝痛飲真吾師
清夜沈沈動春酌
燈前細雨簷花落
但覺高歌有鬼神
焉

知餓死填溝壑相如逸才親滌器子雲識字終投閣先
生早賦歸去來石田茅屋荒蒼苔儒術於我何有哉孔
丘盜跖俱塵埃不須聞此意慘愴生前相遇且銜杯

哀王孫

時祿山驚潼關玄宗倉卒西幸諸嗣王及公主之在外者皆不及從其後多為

祿山所屠此
詩記而哀之

長安城頭頭白烏夜飛延秋門上呼又向人家啄大屋
屋底達官走避胡金鞭斷折九馬死骨肉不待同馳驅
腰下寶玦青珊瑚可憐王孫泣路隅問之不肯道姓名

但道困苦乞為奴已經百日竄荆棘身上無有完肌膚
高帝子孫盡隆準龍種自與常人殊豺狼在邑龍在野
王孫善保千金軀不敢長語臨交衢且為王孫立斯須
昨夜東風吹血腥東來橐駝滿舊都朔方健兒好身手
昔何勇銳今何愚竊聞太子已傳位聖德北服南單于
花門勞^{音梨}面請雪恥慎勿出口他人狙哀哉王孫慎勿
踈五陵佳氣無時無

深情苦語 一起借徑省敘事之煩 哀王孫哀
江頭去繁就簡語歸至要觀其分布起伏隱隱有

斷崖千
里之勢

哀江頭

曲江為京都勝賞之地遭祿
山焚劫之後公有感而作

杜陵野老吞聲哭，春日潛行曲江曲。
江頭宮殿鎖千門，細柳新蒲為誰綠。
憶昔霓旌下南苑，苑中萬物生顏色。
昭陽殿裏第一人，同輩隨君侍君側。
輦前才人帶弓箭，白馬嚼啣黃金勒。
翻身向天仰射雲，一箭正墮雙飛翼。
明眸皓齒今何在，血污遊魂歸不得。
清渭東流劍閣深，去住彼此無消息。
人生有情淚沾臆，江水江花豈終極。

黃昏胡騎塵滿城欲往城南忘城北

總於起結見情中間
叙事以老拙見奇

洗兵馬

自注云收
京後作

中興諸將收山東捷書夜報清晝同河廣傳聞一葦過
胡兒命在破竹中祇殘鄴城不日得獨任朔方無限功
京師皆騎汗血馬回紇餒肉蒲萄宮已喜皇威清海岱
常思仙仗過崆峒三年笛裏關山月萬國兵前草木風
成王功大心轉小郭相

郭子儀也

謀深古來少司徒

李光弼也

清

鑒懸明鏡尚書

王思禮也

氣與秋天香二三豪俊為時出整

頓乾坤濟時了東走無復憶鱸魚南飛覺有安枝鳥青

春復隨冠冕入紫禁正耐煙花繞鶴禁通宵鳳輦備雞

鳴問寢龍樓曉攀龍附鳳勢莫當天下盡化為侯王汝

等豈知蒙帝力時來不得誇身強關中既留蕭丞相幕

下復用張子房張公

疑謂張鎬

一生江海客身長九尺鬚眉

蒼徵起適遇風雲會扶顛始知籌策良青袍白馬更何

有後漢今周喜再昌寸地尺天皆入貢奇祥異瑞爭來

送不知何國致白環復道諸山得銀甕隱士休歌紫芝
曲詞人解撰河清頌田家望望惜雨乾布穀處處催春
種淇上健兒歸莫懶城南思婦愁多夢安得壯士挽天
河淨洗甲兵長不用

攀龍附鳳勢莫當天
下盡化為侯王汝等
豈知蒙帝力時來不
得誇身強憂深思遠
非淺襟所到

釋悶

四海十年不解兵犬戎也復臨咸京失道非關出襄野
揚鞭忽是過湖城豺狼塞路人斷絕烽火照夜屍縱橫

天子亦應厭奔走羣公固合思昇平但恐誅求不改轍
聞道嬖孽能全生江邊老翁錯料事眼暗不見風塵清

憶昔

憶昔先皇巡朔方千乘萬騎入咸陽陰山驕子汗血馬
長驅東胡胡走藏鄴城反覆不足怪關中小兒壞紀綱
張后不樂上為忙至今今上猶撥亂勞心焦思補四方
我昔近侍叨奉引出兵整肅不可當為留猛士守未央
致使岐雍防西羌犬戎直來坐御牀百官跣足隨天王

願見北地傅介子老儒不用尚書郎

偁側行贈畢曜

偁側復偁側我居巷南子巷北可憐鄰里間十日不一
見顏色自從官馬送還官行路難行澀如棘我貧無乘
非無足昔者相遇今不得實不是愛微軀又非關足無
力徒步翻愁官長怒此心炯炯君應識曉來急雨春風
顛睡美不聞鐘鼓傳東家蹇驢許借我泥滑不敢騎朝
天已令請急會通籍男兒性命絕可憐焉能終日心拳

拳憶君誦詩神凜然辛夷始花亦已落
沉我與子非壯年街頭酒價常苦貴
方外酒徒稀醉眠速宜相就飲一
斗恰有三百青銅錢

相從行贈嚴二別駕

時方經崔
岵之亂

我行入東川十步一回首成都亂罷氣蕭瑟
浣花草堂亦何有梓州豪俊大者誰
本州從事知名久把臂開樽飲我酒
酒酣擊劍蛟龍吼烏帽拂塵青螺髻
紫衣將炙緋衣走銅盤燒蠟光吐
日夜如何其初促膝黃昏始扣

主人門誰謂俄頃膠在漆萬事盡付形骸外百年未見
歡娛畢神傾意豁真佳士久客多憂今愈疾高視乾坤
又可愁一軀交態同悠悠垂老遇君未恨晚似君須向
古人求

狂歌行贈四兄

與兄行年校一歲賢者是兄愚者弟兄將富貴等浮雲
弟竊功名好權勢長安秋雨十日泥我曹韉皮視切馬聽
晨雞公卿朱門未開鎖我曹已到肩相齊吾兄穩睡方

舒膝不韞不巾踏曉日男啼女哭莫我知身上須縊腹
中實今年思我來嘉州嘉州酒重花滿樓樓頭喫酒樓
下卧長歌短詠還相酬四時八節還拘禮女拜弟妻男
拜弟幅巾鞶帶不挂身頭脂足垢何曾洗吾兄吾兄巢
許倫一生喜怒長任真日斜枕肘寢已熟啾啾唧唧為
何人

短歌行贈王郎司直

王郎酒酣拔劍斫地歌莫哀我能拔爾抑塞磊落之奇

才豫樟翻風白日動鯨魚跋浪滄溟開且脫劍佩休徘徊西得諸侯棹錦水欲向何門跋先答切珠履仲宣樓頭春已深青眼高歌望吾子眼中之人吾老矣

短棹處人所難能 豫樟二語謂時方多難所以有且脫劍佩休徘徊之句

醉歌行

自注云從姪勤落第歸作此以別之

陸機二十作文賦汝更小年能綴文總角草書又神速世上兒子徒紛紛驛驢作駒已汗血驚鳥舉翮連青雲詞源倒流三峽水筆陣獨掃千人軍只今年纔十六七

射策君門期第一舊穿楊葉真自知暫蹶霜蹄未為失
偶然擢秀非難取會是排風有毛質汝身已見唾成珠
汝伯何由髮如漆春光淡沲秦東亭渚蒲芽白水荇青
風吹客衣日杲杲樹攪離思花冥冥酒盡沙頭雙玉鉶
衆賓皆醉我獨醒乃知貧賤別更苦吞聲躑躅涕淚零

末悲歌一段
最是振絕

醉歌行贈公安顏少府請顧八題壁

神仙中人不易得顏氏之子才孤標天馬長鳴待駕馭

秋鷹整翮當雲霄君不見東吳顧文學

自注云顧況吳人

君不

見西漢杜陵老詩家筆勢君不嫌詞翰升堂為君掃是
日霜風凍七澤烏蠻落照銜赤壁酒酣耳熱忘頭白感
君意氣無所惜一為歌行歌主客

一為歌行歌主客此其自任非小
將此一題詠遂為千古勝事矣

惜別行送向卿進奉端午御衣之上都

肅宗昔在靈武城指揮猛將收咸京向公泣血灑行殿
佐佑卿相乾坤平逆胡冥冥隨烟燼卿家兄弟功名震

麒麟閣畫鴻鴈行紫極出入黃金印尚書勲業超千古
雄鎮荊州繼吾祖裁縫雲霧成御衣拜跪題封賀端午
向卿將命寸心赤青山落日江湖白卿到朝廷說老翁
漂零已是滄浪客

入奏行贈西山檢察使竇侍御

竇侍御驥之子鳳之雛年未三十忠義俱骨鯁絕代無
炯如一段清冰出萬壑置在迎風寒露之玉壺蔗漿歸
厨金盃凍洗滌煩熱足以寧君軀政用疎通合典則威

聯豪貴耽文儒兵革未息人未蘇天子亦念西南隅吐
蕃憑陵氣頗麓竇氏檢察應時須運糧繩橋壯士喜斬
木火井窮猿呼八州刺史思一戰三城守邊却可圖此
行入奏計未小密奉聖旨恩宜殊繡衣春當霄漢立綵
服日向庭闈趨省郎京尹必俯拾江花未落還成都肯
訪浣花老翁無為君酤酒滿眼酤與奴白飯馬青芻

寄岑嘉州

自注云州
據蜀江外

不見故人十年餘不道故人無素書願逢顏色關塞遠

豈意出守江城居外江三峽且相接斗酒新詩終自疎
謝朓每篇堪諷誦馮唐已老聽吹噓泊船秋夜經春草
伏枕青楓限玉除眼前所寄選何物贈子雲安雙鯉魚

寄狄明府

梁公曾孫我姨弟不見十年官濟濟大賢之後竟陵遲
浩蕩古今同一體比看伯叔四十人有才無命百寮底
今者弟兄一百人幾人卓絕秉周禮在汝更用文章為
長兄白眉復天啟汝門請從曾公說太后當朝多巧計

狄公執正在末年濁河中不污清濟國嗣初將付諸武
公獨廷諍守丹陛禁中冊決詔房陵前朝長老皆流涕
太宗社稷一朝正漢官威儀重昭洗時危始識不世才
誰謂荼苦甘如薺汝曹又宜裂土食身使門戶多旌榮
胡為漂泊岷漢間干謁王侯頗歷詆況乃山高水有波
秋風蕭蕭露泥泥虎之饑下巉巖蛟之橫出清泚早歸
來黃土泥衣眼易眯

末段是騷
之變體

寄韓諫議注

今我不樂思岳陽身欲奮飛病在牀美人娟娟隔秋水
濯足洞庭望八荒鴻飛冥冥日月白青楓葉赤天雨霜
玉京羣帝集北斗或騎麒麟翳鳳凰芙蓉旌旗煙霧樂
影動倒景搖瀟湘星宮之君醉瓊漿羽人稀少不在傍
似聞昨者赤松子恐是漢代韓張良昔隨劉氏定長安
帷幄未改神慘傷國家成敗吾豈敢色難腥腐餐楓香
周南留滯古莫惜南極老人應壽昌美人何為隔秋水

馬得置之貢玉堂

玉京羣帝一段是老人拉掇語絕非佳處意謂韓注此時與羣仙伍耳此的是李賀前身

君不見簡蘇僊

君不見道邊廢棄池君不見前者摧折桐百年死樹中
琴瑟一斛舊水藏蛟龍丈夫蓋棺事始定君今幸未成
老翁何恨憔悴在山中深山窮谷不可處霹靂魍魎兼
狂風

兀兀數語
最老致

追酬故高蜀州人日見寄

有序

開文書帙中檢所遺忘因得故高常侍適往居在成都時高任蜀州刺史人日相憶見寄詩淚灑行間讀終篇末自枉詩已十餘年莫記存沒又六七年矣老病懷舊生意可知今海內忘形故人獨漢中王瑀與昭州敬使君超先在愛而不見情見乎辭大歷五年正月二十一日却追酬高公此作因寄王及敬弟

自蒙蜀州人日作不意清詩久零落今晨散帙眼忽開

迸淚幽吟事如昨嗚呼壯士多慷慨合沓高名動寥廓
歎我悽悽求友篇感時鬱鬱匡君畧錦里春光空爛漫
瑤池侍臣已冥漠瀟湘水國旁龜鼉鄩杜秋天失鵬鶚
東西南北更堪論白首扁舟病獨存遙拱北辰纏寇盜
欲傾東海洗乾坤邊塞西蕃最充斥衣冠南渡多崩奔
鼓瑟至今悲帝子曳裾何處覓王門文章曹植波瀾濶
服食劉安德業尊長笛誰能亂愁思昭州詞翰與招魂
送孔巢父謝病歸游江東兼呈李白

巢父掉頭不肯住東將入海隨煙霧詩卷長留天地間
釣竿欲拂珊瑚樹深山大澤龍蛇遠春寒野陰風景暮
蓬萊織女回雲車指點虛無引歸路自是君身有仙骨
世人那得知其故惜君只欲苦死留富貴何如草頭露
蔡侯靜者意有餘清夜置酒臨前除罷琴惆悵月照席
幾歲寄我空中書南尋禹穴見李白道甫問訊今何如

好作奇句亦是一病語自奇耳於詩情何與蓬萊
織女回雲車指點虛無引歸路帶幾分仙氣在

徐卿二子歌

君不見徐卿二子生絕奇感應吉夢相追隨孔子釋氏
親抱送並是天上麒麟兒大兒九齡色清澈秋水為神
玉為骨小兒五歲氣食牛滿堂賓客皆回頭吾知徐公
百不憂積善衮衮生公侯丈夫生兒有如此二雛者名
位豈肯卑微休

戲作花卿歌

花卿名敬定

成都猛將有花卿學語小兒知姓名用如快鷲風火生
見賊惟多身始輕綿州副使著柘黃我卿掃除即日平

子璋髑髏血模糊手提擲還崔大夫李侯重有此節度
人道我卿絕世無既稱絕世無天子何不喚取守京都

詩話云有病瘡者子美曰吾詩可以療之病者曰云何
曰夜闌更秉燭相對如夢寐其人誦之瘡猶是也杜曰

更誦云子璋髑髏血模糊手提
擲還崔大夫其人誦之果愈

子璋髑髏血模糊手提擲
還崔大夫語真真生氣

魏將軍歌

將軍昔著從事衫鐵馬馳突重兩銜被堅執銳畧西極
崑崙月窟東嶺巖君門羽林萬猛士惡若哮虎子所監

五年起家列霜戟一日過海收風帆平生流輩徒蠢蠢
長安少年氣欲盡魏侯骨聳精爽緊華嶽峯尖見秋隼
星纏寶校金盤陀夜騎天駟超天河攬搶熒惑不敢動
翠韃雲梢相蕩摩吾為子起歌都護酒闌插劍肝膽露
勾陳蒼蒼玄武暮萬歲千秋奉明主臨江節士安足數

星纏寶校金盤陀夜騎天駟超天河攬搶熒惑不敢動翠韃雲梢相蕩摩此等語致在意似彷彿之間後韓愈可沿之而為放李賀可適之而為鬼

貧交行

翻手作雲覆手雨紛紛輕薄何須數君不見管鮑貧時
交此道今人棄如土

君不見管鮑貧
時交一語已足

久雨期王將軍不至

天雨蕭蕭滯茅屋空山無以慰幽獨銳頭將軍來何遲
令我心中苦不足數看黃霧亂玄雲時聽嚴風折喬木
泉源泠泠雜暖欬泥濘漠漠饑鴻鵠歲暮窮陰耿未已
人生會面難再得憶爾腰下鐵絲箭射殺林中雪色鹿

前者坐皮因問毛知子歷險人馬勞異獸如飛星宿落
應弦不礙蒼山高安得突騎只五千峩然眉骨皆爾曹
走平亂世相催促一豁明主正鬱陶憶昔范增碎玉斗
未使吳兵著白袍昏昏閭闔閉氛祲十日荆南雷怒號

丹青引贈曹將軍霸

將軍魏武之子孫於今為庶為清門英雄割據雖已矣
文采風流今尚存學書初學衛夫人但恨無過王右軍
丹青不知老將至富貴於我如浮雲開元之中嘗引見

承恩數上南薰殿凌煙功臣少顏色將軍下筆開生面

良相頭上進賢冠猛將腰間大羽箭褒公

段志玄

鄂公

尉遲

敬德

毛髮動英資颯爽來酣戰先帝天馬玉花驄畫工如

山貌不同是日牽來赤墀下迴立閭闔生長風詔謂將

軍拂絹素意匠慘淡經營中斯須九重真龍出一洗萬

古凡馬空玉花却在御榻上榻上庭前屹相向至尊含

笑催賜金圍人太僕皆惆悵弟子韓幹早入室亦能畫

馬窮殊相幹惟畫肉不畫骨忍使驂駟氣凋喪將軍盡

善蓋有神必逢佳士亦寫真即今漂泊干戈際屢貌尋
常行路人途窮反遭俗眼白世上未有如公貧但看古
來盛名下終日坎壈纏其身

斯須九重真龍出一洗萬古凡馬空此是傑句幹
惟畫肉不畫骨忍使驂騑氣凋喪此便是畫家妙
訣不類泛
常題詠

韋諷錄事宅觀曹將軍畫馬圖引

明皇雜錄云
曹霸善畫繪

時稱
神妙

國初已來畫鞍馬神妙獨數江都王

按名畫記江都王
緒霍王元軌子畫

鞍馬
擅名

將軍得名三十載人間又見真乘黃曾貌先帝照

夜白

玄宗
馬名

龍池十日飛霹靂內府殷紅瑪瑙盤婕妤傳

詔才人索盤賜將軍拜舞歸輕紈細綺相追飛貴戚權
門得筆跡始覺屏幃生光輝昔日太宗拳毛騶近時郭
家師子花今之新圖有二馬復令識者久歎嗟此皆騎
戰一敵萬縞素漠漠開風沙其餘七疋亦殊絕迥若寒
空動煙雪霜蹄蹴踏長楸間馬官廐養森成列可憐九
馬爭神駿顧視清高氣深穩借問苦心愛者誰後有韋

諷前支遁憶昔巡幸新豐宮翠華拂天來向東騰驤磊
落三萬匹皆與此圖筋骨同自從獻寶朝河宗無復射
蛟江水中君不見金粟堆前松柏裏龍媒去盡烏呼風

詠畫者多詠真詠真易而詠畫難畫中見真真中
帶畫尤難此詩亦可稱畫筆矣可憐九馬爭神駿
顧視清高氣深穩妙得神趣

奉先劉少府新畫山水障歌

堂上不合生楓樹怪底江山起煙霧聞君掃却赤縣圖
乘興遣畫滄洲趣畫師亦無數好手不可遇對此融心

神知君重毫素豈但祁岳與鄭虔筆迹遠過楊契丹得
非玄圃裂無乃瀟湘翻悄然坐我天姥下耳邊已似聞
清猿反思前夜風雨急乃是蒲城鬼神入元氣淋漓障
猶濕真宰上訴天應泣野亭春還雜花遠漁翁暝踏孤
舟立滄浪水深青溟濶敲岸側倒秋毫末不見湘妃鼓
瑟時至今斑竹臨江活劉侯天機精愛畫入骨髓自有
兩兒郎揮灑亦莫比大兒聰明到能添老樹巔崖裏小
兒心孔開貌得山僧及童子若耶谿雲門寺吾獨胡為

在泥滓青鞋布襪從此始

絕是
畫意

題壁上韋偃畫馬歌

韋侯別我有所適知我憐君畫無敵戲拈秃筆掃驂駟
缺見麒麟出東壁一匹嚙草一匹嘶坐看千里當霜蹄
時危安得真致此與人同生亦同死

戲題王宰畫山水圖歌

十日畫一水五日畫一石能事不受相促迫王宰始肯

留真跡壯哉崑崙方壺圖挂君高堂之素壁巴陵洞庭
日本東赤岸水與銀河通中有雲氣隨飛龍舟人漁子
入浦淑山木盡亞洪濤風尤工遠勢古莫比咫尺應須
論萬里焉得并州快剪刀剪取吳淞半江水

題李尊師松樹障子歌

老夫清晨梳白頭玄都道士來相訪握髮呼兒延入戶
手持新畫青松障障子松林靜杳冥憑軒忽若無丹青
陰崖却承霜雪幹偃蓋反走虬龍形老夫平生好奇古

對此興與精靈聚已知仙客意相親更覺良工心獨苦
松下丈人中屨同偶坐似是商山翁悵望聊歌紫芝曲
時危慘淡來悲風

戲韋僊為雙松圖歌

天下幾人畫古松畢宏已老韋僊少絕筆長風起纖末
滿堂動色嗟神妙兩株慘裂苔蘚皮屈鐵交錯迴高枝
白摧朽骨龍虎死黑入太陰雷雨垂松根胡僧憩寂寞
龐眉皓首無住著偏袒右肩露雙腳葉裏松子僧前落

韋侯韋侯數相見我有一疋好東絹重之不減錦繡段
已令拂拭光凌亂請公放筆為直幹


白摧朽骨龍虎死黑入太陰雷雨垂苦思拙力彷彿想像其力窮此葉裏松子僧前落生趣欲動

李潮八分小篆歌

書苑李潮善小篆師李斯碑山碑見稱于時

蒼頡鳥跡既茫昧字體變化如浮雲陳倉石鼓又已訛
大小二篆生八分秦有李斯漢蔡邕中間作者寂不聞
嶧山之碑野火焚棗木傳刻肥失真苦縣光和尚骨立
書貴瘦硬方通神惜哉李蔡不復得吾甥李潮下筆親

尚書韓擇木騎曹蔡有鄰開元以來數八分潮也奄有
二子成三人沉潮小篆逼秦相快劍長戟森相向八分
一字直百金蛟龍盤拏肉屈強吳郡張顛誇草書草書
非古空雄壯豈如吾甥不流宕丞相中郎丈人行巴東
逢李潮逾月求我歌我今衰老才力薄潮乎潮乎奈汝
何



唐詩鏡卷二十三

欽定四庫全書

集部
唐詩鏡卷二十四至

詳校官庶吉士

臣范逢恩

主事銜

臣徐以坤覆勘

總校官編修

臣王燕緒

校對官編修

臣張燾

謄錄監生

臣陳燾

欽定四庫全書

唐詩鏡卷二十四

明 陸時雍 編

盛唐第十六

杜甫

四

七言古詩

觀公孫大娘弟子舞劍器行

并序

大歷二年十月十九日夔府別駕元特宅見臨穎李

十二娘舞劍器壯其蔚跂問其所師曰余公孫大娘
弟子也開元三載余尚童稚記於郾城觀公孫氏舞
劍器渾脫瀏漓頓挫獨出冠時自高頭宜春梨園二
伎坊內人洎外供奉曉是舞者聖文神武皇帝初公
孫一人而已玉貌錦衣況余白首今茲弟子亦匪盛
顏既辨其由來知波瀾莫二撫事慷慨聊為劍器行
往者吳人張旭善草書帖數嘗於鄴縣見公孫大
娘舞西河劍器自此草書長進豪蕩感激即公孫可

知矣

昔有佳人公孫氏一舞劒器動四方觀者如山色沮喪
天地為之久低昂燿音鵠如羿射九日落矯如羣帝驂龍

翔來如雷電收震怒罷如江海凝清光絳脣朱袖兩寂
寞晚有弟子傳芬芳臨美人在白帝妙舞此曲神揚
揚與余問答既有以感時撫事增惋傷先帝侍女八千
人公孫劒器初第一五十年間似反掌風塵瀕洞昏王
室梨園弟子散如煙女樂餘姿映寒日金粟堆南木已

拱瞿塘石城草蕭瑟玳筵急管曲復終樂極哀來月東
出老夫不知其所往足繭荒山轉愁疾

形容彷彿絕佳

呀鵲行

病鵲卑飛俗眼醜每夜江邊宿衰柳清秋落日已側身
過鴈歸鷗錯回首緊腦雄姿迷所向疎翮稀毛不可狀
彊神迷復皂鵬前俊材早在蒼鷹上風濤颯颯寒山陰
熊羆欲螫龍蛇深念爾此時有一擲失聲濺血非其心

瘦馬行

此詩似為
房琯作

東郊瘦馬使我傷，骨骼硤兀如堵墻。
絆之欲動轉欹側，此豈有意仍騰驤。
細看六印帶官字，衆道三軍遺路傍。
皮乾剝落雜泥滓，毛暗蕭條連雪霜。
去歲奔波逐餘寇，驂騮不慣不得將。
士卒多騎內廐馬，惆悵恐是病乘黃。
當時歷塊誤一蹶，委棄非汝能周防。
見人慘淡若哀訴，失主錯莫無晶光。
天寒遠放鴈為伴，日暮不收烏啄瘡。
誰家且養願終惠，更試明年春草長。

天育驃騎歌

天育
廐名

吾聞天子之馬走千里今之畫圖無乃是是何意態雄
且傑駿尾蕭梢朔風起毛為綠縹兩耳黃眼有紫焰雙
瞳方矯矯龍性合變化卓立天骨森開張伊昔太僕張
景順開元
時人考牧攻駒閱清峻遂令大奴守天育別養驥
子憐神駿當時四十萬匹馬張公歎其才盡下故獨寫
真傳世人見之座右久更新年多物化空形影嗚呼健
步無由騁如今豈無腰褭與驊騮時無王良伯樂死即

休

高都護驄馬行

安西都護胡青驄聲價歟然來向東此馬臨陣久無敵
與人一心成大功功成惠養隨所致飄飄遠自流沙至
雄姿未受伏櫪恩猛氣猶思戰場利踔促蹄高如踣鐵
交河幾蹴曾冰裂五花散作雲滿身萬里方看汗流血
長安壯兒不敢騎走過掣電傾城知青絲絡頭為君老
何由却出橫音光門道

此馬臨陣久無敵與人一心
成大功快意處不避粗梗

驄馬行

自注云太常良卿救賜馬也
李鄧公愛而有之命甫製詩

鄧公馬癖人共知初得花驄大宛種夙昔傳聞思一見
牽來左右神皆悚雄姿逸態何嶢嶢顧影驕嘶自矜寵
隅目青熒夾鏡懸肉駿礪礪連錢動朝來少試華軒下
未覺千金滿高價赤汗微生白雪毛銀鞍却覆香羅帕
卿家舊物公能取天廐真龍此其亞晝洗須騰涇渭深
夕趨可刷幽并夜吾聞良驥老始成此馬數年人更驚

豈有四蹄疾於鳥不與八駿俱先鳴時俗造次那得致
雲霧晦冥方降精近聞下詔喧都邑肯使麒麟地上行

顧影驕嘶自矜龍一語最有
神趣側身注目長風生亦佳

李鄠縣丈人胡馬行

丈人駿馬名胡騶前年避胡過金牛迴鞭却走見天子
朝飲漢水暮靈州自矜胡騶奇絕代乘出千人萬人愛
一聞說盡急難材轉益愁向鴛鴦輩頭上銳耳批秋竹
脚下高蹄削寒玉始知神龍別有種不比俗馬空多肉

洛陽大道時再清累日喜得俱東行鳳臆龍髻未易識
側身注目長風生

王兵馬使二角鷹

悲臺蕭瑟石龍從哀壑杈柯浩呼洵中有萬里之長江
迴風陷日孤光動角鷹翻倒壯士臂將軍玉帳軒勇氣
二鷹猛腦條徐墜目如愁胡視天地杉雞竹兔不自惜
孩虎野羊俱辟易韝上鋒稜十二翮將軍勇銳與之敵
將軍樹勲起安西崑崙虞泉入馬蹄白羽曾肉三狡猊

敢決豈不與之齊
荆南芮公得將軍
亦如角鷹下翔雲
惡鳥飛飛啄金屋
安得爾輩開其羣
驅出六合梟鷲分

分外餘思分外餘力是此老真奇處一起色象却與角鷹相配

荆南兵馬使太常卿趙公大食刀歌

大食國名

太常樓船聲噉問
兵刮寇超下牢牧
出令奔飛百艘
猛蛟突獸紛騰逃
白帝寒城駐錦袍
玄冬示我胡國刀
壯士短衣頭虎毛
憑軒拔鞘天為高
翻風轉日木怒號
冰翼雲淡傷哀猱
鎬錯碧甕礪鵝膏
芒鏑已瑩虛秋濤

鬼物撒揆

練結切

亂坑壕蒼水使者捫赤條龍伯國人罷

釣鼇芮公回首顏色勞分閭救世用賢豪趙公玉立高
歌起攬環結佩相終始萬歲持之護天子得君亂絲與
君理蜀江如線針如水荆岑彈丸心未已賊臣惡子休
千紀魑魅魍魎徒為耳妖腰亂領敢欣喜用之不高亦
不庠不似長劒須天倚吁嗟光祿英雄弭大食寶刀聊
可比丹青宛轉麒麟裏光芒六合無泥滓

子美氣質太重往
往好盡其所長

古柏行

孔明廟前有古柏柯如青銅根如石霜皮溜雨四十圍
黛色參天二千尺君臣已與時際會樹木猶為人愛惜
雲來氣接巫峽長月出寒通雪山白憶昨路繞錦亭東
先主武侯同閔宮崔嵬枝榦郊原古窈窕丹青戶牖空
落落盤踞雖得地冥冥孤高多烈風扶持自是神明力
正直元因造化功大厦如傾要梁棟萬牛回首丘山重
不露文章世已驚未辭翦伐誰能送苦心豈免容螻蟻

香葉終經宿鸞鳳志士幽人莫怨嗟古來才大難為用

精帶俚趣
力大可觀

石犀行

華陽國志云秦孝文王以李冰為蜀守作石犀五頭以壓水怪

君不見秦時蜀太守刻石立作三犀牛自古雖有厭勝
法天生江水向東流蜀人矜誇一千載泛濫不近張儀
樓今年灌口損戶口此事或恐為神羞終藉隄防出衆
力高擁木石當清秋先王作法皆正道詭怪何得參人
謀嗟爾三犀不經濟缺訖只與長川逝但見元氣常調

和自免洪濤恣凋瘵安得壯士提天綱再平水土犀奔
茫

杜鵑行

君不見昔日蜀天子化為杜鵑似老烏寄巢生子不自
啄羣鳥至今與哺雛雖同君臣有舊禮骨肉滿眼身羈
孤業工竄伏深樹裏四月五月偏號呼其聲哀痛口流
血所訴何事常區區爾豈摧殘始發憤羞帶羽翮傷形
愚蒼天變化誰料得萬事反覆何所無萬事反覆何所

無豈憶當殿羣臣趨

冬狩行

自注云時梓州刺史韋
季兼侍御史留後東川

君不見東川節度兵馬雄校獵亦似觀成功夜發猛士
三千人清晨合圍步驟同禽獸已斃十七八殺聲落日
迴蒼穹幕前生致九青兕駝蟲嵒垂玄熊東西南北
百里間髣髴蹴踏寒山空有鳥名鸛鴒力不能高飛逐
走蓬肉味不足登鼎俎胡為見羈虞羅中春蒐冬狩侯
得同使君五馬一馬驄況今攝行大將權號令頗有前

賢風飄然時危一老翁十年厭見旌旗紅喜君士卒甚
整肅為我回轡擒西戎草中孤兔盡何益天子不在咸
陽宮朝廷雖無幽王禍得不哀痛塵再蒙嗚呼得不哀
痛塵再蒙

結得
沈痛

秋雨歎三首

雨中百草皆爛死堦下決明顏色鮮著葉滿枝翠羽蓋
開花無數黃金錢涼風蕭蕭吹汝急恐汝後時難獨立

堂上書生空白頭臨風三嗅馨香泣

惟草木之零落兮恐美人之遲暮托意深厚可味

關風伏雨秋紛紛四海八荒同一雲去馬來牛不復辨
濁涇清渭何當分禾頭生耳黍穗黑農夫田父無消息
城中斛米換衾裯相許寧論兩相直

長安布衣誰比數反鎖衡門守環堵老夫不出長蓬蒿
稚子無憂走風雨雨聲颼颼催早寒胡雁翅濕高飛難
秋來未曾見白日泥汚后土何時乾

蠶穀行

天下郡國向萬城無有一城無甲兵焉得鑄甲作農器
一寸荒田牛得耕牛盡耕田蠶亦成不勞烈士淚滂沱
男穀女絲行復歌

大麥行

大麥乾枯小麥黃婦女行泣夫走藏東至集壁西梁洋
問誰腰鑣胡與羌豈無蜀兵三千人部領辛苦江山長
安得如鳥有羽翅託身白雲還故鄉

絕似
古歌

嚴氏谿放歌

天下甲兵未盡銷，豈免溝壑常漂漂。
劍南歲月不可度，邊頭公卿仍獨驕。
費心姑息是一役，肥肉大酒徒相要。
嗚呼！古人已糞土，獨覺志士甘漁樵。
況我飄蓬無定所，終日慙慙忍羈旅。
秋宿霜谿素月高，喜得與子長夜語。
東遊西還力實倦，從此將身更何許。
知子松根長茯苓，遲暮有意來同煮。

曲江三章章五句

曲江蕭條秋風高
芰荷枯折隨風濤
游子空嗟垂二毛
白石素沙亦相蕩
哀鴻獨叫求其曹

即事非今亦非古
長歌激越摧林莽
比屋豪華固難數
吾人甘作心似灰
弟姪何傷淚如雨

自斷此生休問天
杜曲幸有桑麻田
故將移住南山邊
短衣匹馬隨李廣
看射猛虎終殘年

意氣豪蕩是
佗條搔首語

閬山歌

閬州城東靈山白
閬中城北玉臺碧
松浮欲盡不盡雲
江動將崩未崩石
那知根無鬼神會
已覺勢與嵩華敵
中原格鬪且未歸
應結茅齋看青壁

閬水歌

嘉陵江色何所似
石黛碧玉相因依
正憐日破浪花出
更復春從沙際歸
已童蕩槳敲側過
水鳥銜魚來去飛
閬中勝事可腸斷
閬州城南天下稀

後四語歌
趣清絕

乾元中寓居同谷縣作歌七首

有客有客字子美白頭亂髮垂過耳歲拾橡栗隨狙公
天寒日暮山谷裏中原無書歸不得手脚凍皴音遂皮肉
死嗚呼一歌兮歌已哀悲風為我從天來

長鑱長鑱白木柄我生託子以為命黃精無苗山雪盛
短衣數挽不掩脛此時與子空歸來男呻女吟四壁靜
嗚呼二歌兮歌始放閭里為我色惆悵

有弟有弟在遠方三人各瘦何人彊生別展轉不相見
胡塵暗天道路長東飛鴛鴦後鵝鷄安得送我置汝傍
嗚呼三歌兮歌三發汝歸何處收兄骨

有妹有妹在鍾離良人早歿諸孤癡長淮浪高蛟龍怒
十年不見來何時扁舟欲往箭滿眼杳杳南國多旌旗
嗚呼四歌兮歌四奏林猿為我啼清晝

四山多風谿水急寒雨颯颯枯樹濕黃蒿古城雲不開
白狐跳梁黃狐立我生何為在窮谷中夜起坐萬感集

嗚呼五歌兮歌正長魂招不來歸故鄉

南有龍兮在山湫古木龍從枝相樛木葉黃落龍正蟄
蝮蛇東來水上遊我行怪此安敢出拔劍欲斬且復休
嗚呼六歌兮歌思遲谿壑為我回春姿

男兒生不成名身已老三年饑走荒山道長安卿相多
少年富貴應須致身早山中儒生舊相識但話宿昔傷
懷抱嗚呼七歌兮悄終曲仰視皇天白日速

同谷七歌稍近騷意第出語
粗放其粗放處正是自得也

桃竹杖引贈章留後

江心蟠石生桃竹蒼波噴浸尺度足斬根削皮如紫玉
江妃水仙惜不得梓潼使君開一束滿堂賓客皆歎息
憐我老病贈兩莖出入爪甲鏗有聲老夫復欲東南征
乘濤鼓枻白帝城路幽必為鬼神奪拔劍或與蛟龍爭
重為告曰杖兮杖兮爾之生也甚正直慎勿見水踴躍
學變化為龍使我不得爾之扶持滅跡於君山湖上之
青峯噫風塵瀕洞兮豺虎咬人忽失雙杖兮吾將曷從

奇意老筆橫溢紛披 其最佳
處在有而不盡以此服其老手

越王樓歌

綿州州府何磊落顯慶年中越王作孤城西北起高樓
碧瓦朱甍照城郭樓下長江百丈清山頭落日半輪明
君王舊跡今人賞轉見千秋萬古情

自平

自平宮中吕太一收珠南海千餘日近供生犀翡翠稀
復恐征戍干戈密蠻谿豪族小動搖世封刺史非時朝

蓬萊殿裏諸主將才如伏波不得驕

自平漁陽是老
成人持世語

漁陽

漁陽突騎猶精銳赫赫雍王都節制猛將飄然恐後時
本朝不入非高計祿山北築雄武城舊防敗走歸其營
繫書請問燕者舊今日何須十萬兵

青絲

青絲白馬誰家子麗豪且逐風塵起不聞漢主放妃嬪

近靜潼關掃蜂蟻殿前兵馬破汝時十日即為齋粉期
未如面縛歸金闕萬一皇恩下玉墀

秋風二首

秋風淅淅吹巫山上牢下牢修水關吳檣楚柁牽百丈
煖向神都寒未還要路何日罷長戟戰自青羌連白蠻
中已不得消息好暝傳成鼓長雲間

秋風淅淅吹我衣東流之外西日微天清小城擣練急
石古細路行人稀不知明月為誰好早晚孤帆他夜歸

會將白髮倚庭樹故園池臺今是非

有竹枝餘音天
清二語騷意

晚晴

高唐暮冬雲壯哉舊瘴無復似塵埃
崖沈谷沒白皚皚江石缺裂青楓摧
南天三旬苦霧開赤日照耀從西來
六龍寒急光徘徊照我衰顏忽落地
口中吟詠心中哀未怪及時少年子
揚眉結義黃金臺汨乎吾生何飄零
支離委絕同死灰

悲歌
感慨

復陰

方冬合沓玄陰塞
昨日晚晴今日黑
萬里飛蓬映天過
孤城樹羽揚風直
江濤簸岸黃沙走
雲雪埋山蒼兕吼
君不見夔子之國
杜陵翁牙齒半落
左耳聾

夜歸

夜半歸來衝虎過
山黑家中已眠卧
傍見北斗向江低
仰看明星當空大
庭前把燭嗔兩炬
峽口驚猿聞一箇

白頭老罷舞復歌杖藜不睡誰能那

激騷

後苦寒行

晚來江門失大木猛風中夜飛白屋天兵斬斷青海戎
殺氣南行動坤軸不爾苦寒何太酷巴東之峽生凌澌
彼蒼回幹人得知

夜聞虓巢

夜聞虓巢滄江上哀年側耳情所嚮鄰舟一聽多感傷

塞曲三更歎悲壯積雪飛霜此夜寒孤燈急管復風湍
君知天地干戈滿不見江湖行路難

壯悲

折檻行

嗚呼房魏不復見秦王學士時難羨青襟胄子困泥塗
白馬將軍若雷電千載少似朱雲人至今折檻空嶙峋
婁公不語宋公語尚憶先皇容直臣

千載少似朱雲人至今折檻空嶙峋此言有慨於
臣婁公不語宋公語尚憶先皇容直臣此言復有

感於君詩
言渾渾

去矣行

君不見羈上鷹一飽則飛掣焉能作堂上燕銜泥附炎
熱野人曠蕩無覲顏豈可久在王侯間未試囊中餐玉
法明朝且入藍田山

好氣
魄

白鳧行

君不見黃鵠高於五尺童化為白鳧似老翁故畦遺穗

已蕩盡天寒歲暮波濤中鱗介腥膾素不食終日忍饑
西復東魯門鷄鷄亦蹭蹬聞道如今猶避風

朱鳳行

君不見瀟湘之山衡山高山巔朱鳳聲嗷嗷側身長顧
求其曹翅垂口噤心甚勞下愍百鳥在羅網黃雀最小
猶難逃願分竹實及螻蟻盡使鵠臬相怒號

錦樹行

今日苦短昨日休歲云暮矣增離憂凋傷碧樹作錦樹

萬壑東逝無停留荒戍之城石色古東郭老人住青丘
飛書白帝營丰粟琴瑟几杖柴門幽青草萋萋盡枯死
天馬跛足隨羸牛自古聖賢多薄命姦雄惡少封公侯
故國三年一消息終南渭水寒悠悠五陵豪貴反顛倒
鄉里小兒狐白裘生男墮地要膂力生女富貴傾邦國
莫愁父母少黃金天下風塵兒亦得

結有遠情
有餘慨

歲晏行

歲云暮矣多北風瀟湘洞庭白雲中漁父天寒網罟凍
莫徭射鴈鳴桑弓去年米貴闕軍食今年米賤大傷農
高馬達官厭酒肉此輩杼軸茅茨空楚人重魚不重鳥
汝休枉殺南飛鴻沉聞處處鬻男女割慈忍愛還租庸
往日用錢捉私鑄今許鉛錫和青銅刻泥為之最易得
好惡不合長相蒙萬國城頭吹畫角此曲哀怨何時終

離耆鄭重是

老人語致

憶昔行

憶昔北尋小有洞，洪河怒濤過輕舸。辛勤不見華蓋君，
艮岑青輝慘么麼。千崖無人萬壑靜，三步回頭五步坐。
秋山眼冷魂未歸，仙賞心違淚交墮。弟子誰依白茅室，
盧老獨啟青銅鎖。巾拂香餘搗藥塵，階除灰死燒丹火。
玄圃滄洲莽空濶，金節羽衣飄婀娜。落日初霞閃餘映，
倏忽東西無不可。松風颯水聲合時，青兕黃熊啼向我。
徒然咨嗟撫遺跡，至今夢想仍猶左。秘訣隱文須內教，
晚歲何功使願果。更討衡陽董鍊師，南遊早鼓瀟湘柁。

千崖無人萬壑靜
三步回頭五步坐
細寫得趣乃知空
頭大話無所用之
落日初霞四語亦
自恍惚

寂岑

桺樹為風雨所拔歎

倚江桺樹草堂前
故老相傳二百年
誅茅卜居總為此
五月髣髴聞寒蟬
東南飄風動地至
江翻石走流雲氣
榦排雷雨猶力爭
根斷泉源豈天意
滄波老樹性所愛
浦上童童一車蓋
野老頻留懼雪霜
行人不過聽箏籥
虎倒龍顛委榛棘
淚痕血點垂胃臆
我有新詩何處吟

草堂自此無顏色

茅屋為秋風所破歎

八月秋高風怒號卷我屋上三重茅
茅飛度江灑江郊
高者挂罥長林梢下者飄轉沈塘坳
南村羣童欺我老
無力忍能對面為盜賊公然抱茅入竹去
唇焦口燥呼
不得歸來倚杖自歎息
俄頃風定雲墨色
秋天漠漠向
昏黑
布衾多年冷如鐵
嬌兒惡卧踏裏裂
牀牀屋漏無
乾處
雨脚如麻未斷絕
自經喪亂少睡眠
長夜沾濕何

由徹安得廣厦千萬間
大庇天下寒士俱歡顏
風雨不動安如山
嗚呼何時眼前突兀見此屋
吾廬獨破受凍死亦足

此作與枏樹為風雨所拔
歎最是老杜一段習氣

子美七言古詩氣大力厚故多局面可觀
力厚澄之使清氣大束之使峻斯盡善矣

岳麓山道林二寺作

玉泉之南麓山殊道林
林壑爭盤紆寺門高開
洞庭野殿脚插入赤沙湖
五月寒風冷佛骨六時
天樂朝香爐

地靈步步雪山草僧寶人人滄海珠塔劫宮牆壯麗敵
香厨松道清涼俱蓮花交響共命鳥金榜雙迴三足鳥
方丈涉海費時節玄圃尋河知有無暮年且喜經行近
春日蕪蒙暄煖扶飄然斑白身奚適傍此煙霞茅可誅
桃源人家易制度橘州田土仍膏腴潭府邑中甚淳古
太守庭內不喧呼昔遭衰世皆晦迹今幸樂國養微軀
依止老宿亦未晚富貴功名馬足圖久為野客尋幽慣
細學何顓免興孤一重一掩吾肺腑山鳥山花吾友于

宋公放逐曾題壁物色分留與老夫

自注云宋之間之敗也逋經于此有

詩尚在壁間

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年時
散蹄迸落瞿塘石白帝城門水雲外低身直下八千尺
粉堞電轉紫遊韁東得平岡出天壁江村野堂爭入眼
垂鞭鞞鞚凌紫陌向來皓首驚萬人自倚紅顏能騎射
安知決臆追風足朱汗駢驪猶噴玉不虞一蹶終損傷

人生快意多所辱職當憂戚伏衾枕況乃遲暮加煩促
朋知來問腆我顏杖藜強起依僮僕語盡還成開口笑
提攜別掃清谿曲酒肉如山又一時初筵哀絲動豪竹
共指西日不相貸喧呼且覆杯中綠何必走馬來為問
君不見嵇康養生被殺戮

唐詩鏡卷二十四

欽定四庫全書

唐詩鏡卷二十五

明 陸時雍 編

盛唐第十七

杜甫 五

五言律詩

晚出左掖

畫刻傳呼淺
春旗簇仗齊
退朝花底散
歸院柳邊迷
棲

雪融城濕宮雲去殿低避人焚諫草騎馬欲雞栖

春宿左省

花隱掖垣暮啾啾栖鳥過星臨萬戶動月傍九霄多不
寢聽金鑰因風想玉珂明朝有封事數問夜如何

月傍九霄多一語極有
意想後四語氣格渾成

夜宴左氏莊

風林纖月落衣露淨琴張暗水流花遶春星帶草堂檢
書燒燭短看劍引杯長詩罷聞吳詠扁舟意不忘

中聯精卓

是大作手

過宋員外之問舊莊

自注云員外李弟執金吾見知于代故有下句

宋公舊池館零落首陽阿枉道祇從入吟詩許更過淹
留問耆老寂寞向山河更識將軍樹悲風日暮多

重過何氏

落日平臺上春風啜茗時石欄斜點筆桐葉坐題詩
翡翠鳴衣桁蜻蜒立釣絲自今幽興熟來往亦無期

中聯物
色閒雅

牀上書連屋階前樹拂雲將軍不好武稚子總能文醒
酒微風入聽詩靜夜分緇衣挂蘿薜涼月白紛紛

前四語
造景佳

頗怪朝參懶應耽野趣長雨拋金鑲甲苔卧綠沈槍手
自移蒲柳家纔足稻粱看君用幽意白日到羲皇

奉贈嚴八閣老

危聖登黃閣明公獨妙年蛟龍得雲雨鵬鷃在秋天客
禮容疎放官曹可接聯新詩句句好應任老夫傳

三四
快句

官定後戲贈

自注云時免河西尉
為右衛率府兵曹

不作河西尉淒涼為折腰老夫怕趨走率府且逍遙耽
酒須微祿狂歌託聖朝故山歸興盡回首向風飈

五六言
之有體

天末懷李白

涼風起天末君子意如何鴻鴈幾時到江湖秋水多文
章憎命達魑魅喜人過應共冤魂語投詩贈汨羅

第五句善寫恨情高
才得此便當焚研

所思

自注云得台州
鄭司戶消息

鄭老身仍竄台州信始傳為農山澗曲卧病海雲邊
世已疎儒素人猶乞酒錢徒勞望牛斗無計斲龍泉

五六是
非具見

寄高三十五書記

歎息高生老新詩日又多美名人不及佳句法如何
主將收才子崆峒作凱歌聞君已朱紱且得慰蹉跎

結語疊
情得佳

又呈竇使君

向晚波微綠連空岸脚青日兼春有暮愁與醉無醒漂
泊猶杯酒踟躕此驛亭相看萬里客同是一浮萍

三四語
尖而趣

和裴迪登新津寺寄王侍郎

自注云公
時為蜀牧

何恨倚山木吟詩秋葉黃蟬聲集古寺鳥影度寒塘風
物悲遊子登臨憶侍郎老夫貪佛日隨意宿僧房

三四

清溜

送翰林張司馬南海勅碑

自注云相國製文

冠冕通南極文章落上台詔從三殿去碑到百蠻開野
館濃花發春帆細雨來不知滄海上天遣幾時迴

送張二十參軍赴蜀川因呈楊五侍御

川一作州

好去張公子通家別恨添兩行秦樹直萬點蜀山尖御
史新驄馬參軍舊紫髯皇華吾善處於汝定無嫌

送遠

帶甲滿天地胡為君遠行親朋盡一哭鞍馬去孤城草木歲月晚關河霜雪清別離已昨日因見古人情

古意苦語三
四轉接力壯

鄆城西原送李判官兄武判官弟赴成都府

憑高送所親久坐惜芳辰遠水非無浪他山自有春野
花隨處發官柳著行新天際傷愁別離筵何太頻

別常徵君

兒扶猶仗策卧病一秋強白髮少新洗寒衣寬總長故

人憂見及此別淚相忘各逐萍流轉來書細作行

三四作腰折句法只
言衣寬不道人瘦

船下夔州郭宿雨濕不得上岸別王十二判官
依沙宿舸船石瀨月娟娟風起春燈亂江鳴夜雨懸晨
鐘雲外濕勝地石堂煙柔櫓輕鷗外含悽覺汝賢

三四
精刻

陪王使君晦日泛江就黃家亭子

有徑金沙軟無人碧草芳野畦連蛺蝶江檻俯鴛鴦日

晚煙花亂風生錦繡香不須吹急管衰老易悲傷

五六
味喧

泛江

方舟不用楫極目總無波長日容杯酒深江淨綺羅亂
離還奏樂飄泊且聽歌故國流清渭如今花正多

三四語各
為意俱佳

登兗州城樓

東郡趨庭日南樓縱目初浮雲連海岱平野入青徐孤

嶂秦碑在荒城魯殿餘從來多古意臨眺獨躊躇

風味
殊永

春日梓州登樓

行路難如此登樓望欲迷身無却少壯跡有但羈樓江
水流城郭春風入鼓鞀雙雙新燕子依舊已銜泥

三四裝句
六句傷情

上兜率寺

按圖經兜率
寺在梓州

兜率知名寺真如會法堂江山有巴蜀棟宇自齊梁庾

信哀雖久何顯好不忘白牛車遠近日欲上慈航

余不知詩家要高語何用物有長短情有淺深
所為隨物賦形隨事盡情如是足矣今如以巨無
霸之衣而加之子都其謂姱乎為此者非腐則俚
耳嘗見孔門論事未嘗以堯舜驚人以是知其不
必也

山寺

野寺殘僧少山園細路高麝香眠石竹鸚鵡啄金桃亂
水通人過懸崖置屋牢上方重閣晚百里見纖毫

三四麗五六
亦隨意細寫

題玄武禪師屋壁

何年顧虎頭滿壁畫滄洲赤日石林氣青天江海流錫
飛常近鶴杯渡不驚鷗似得廬山路真隨惠遠遊

三四格力挺勁六句
巧而穩是為畫意

九月一日過孟十二倉曹十四主簿兄弟

藜杖侵寒露蓬門啓曙煙力稀經樹歇老困撥書眠秋
覺追隨盡來因孝友偏清談見滋味爾輩可忘年

三四意
境自然

過客相尋

窮老真無事江山已定居地幽忘盥櫛客至罷琴書挂
壁移筐果呼兒問煮魚時聞繫舟楫及此問吾廬

野趣真色
造景語

熟食日示宗文宗武

消渴遊江漢羈棲尚甲兵幾年逢熟食萬里逼清明松
栢邛山路風花白帝城汝曹催我老回首淚縱橫

又示兩兒

令節成吾老他時見汝心浮生看物變為恨與年深長
葛書難得江州涕不禁團圓思弟妹行坐白頭吟

得舍弟消息

近有平陰信遙憐舍弟存側身千里道寄食一家村烽
舉新酣戰啼垂舊血痕不知臨老日招得幾人魂

結二語佳劉須溪看得最好謂
身之存亡世之治亂俱未可知

喜觀即到復題短篇

巫峽千山暗終南萬里春病中吾見弟書到汝為人竟

答兒童問來經戰伐新泊船悲喜後款款話歸秦

四句悲甚喜甚痛
快處老杜擅長

西郊

時出碧雞坊西郊向草堂市橋官柳細江路野梅香傍
架齊書帙看題減

一作檢

藥囊無人覺來往疎嬾意何長

寫得
隨意

遣意

轉枝黃鳥近泛渚白鷗輕一迳野花落孤村春水生衰

年催釀黍細雨更移橙漸喜交遊絕幽居不用名

三四清純 結語

劉須溪所云怨調

漫成二首

野日荒荒白春流泯泯清渚蒲隨地有村逕逐門成只
作披衣慣常從漉酒生眼邊無俗物多病也身輕

三四得景下句更佳此語
似題畫村景一覽可盡

江臯已仲春花下復清晨仰面貪看鳥迴頭錯應人讀
書難字過貰酒滿壺頻近識峨眉老

自注云東山隱者

知余嬾

是真

三四真極是尋常道性語將
詩家氣味一并去盡絕近陶

獨酌

步屨深林晚開樽獨酌遲仰峰粘落絮行蟻上枯梨薄
劣慙真隱幽偏得自怡本無軒冕意不是傲當時

徐步

整履步青蕪荒庭日欲晡芹泥隨燕觜花藥上蜂鬚把
酒從衣濕吟詩信杖扶敢論才見忌實有醉如愚

芹泥隨燕背花蘂上蜂鬚
只此三四直隨物可賦

移居夔州郭

伏枕雲安縣遷居白帝城
春知催柳別江與放船清
農事聞人說山光見鳥情
禹功饒斷石且就土微平

三四
新

野望

清秋望不極迢遞起層陰
遠水兼天淨孤城隱霧深
葉稀風更落山迴日初沈
獨鶴歸何晚昏鴉已滿林

秋野

禮樂攻吾短山林引興長
掉頭紗帽側曝背竹書光
風落收松子天寒割蜜房
稀疎小紅翠駐屐近微香

起語老到又第一首吾老甘貧病榮華
有是非此是老成人語豈隨人好惡

課小豎鋤斫舍北果林枝蔓荒穢淨訖移床

衆壑生寒早長林卷霧齊
青蟲懸就日朱果落封泥薄
俗防人面全身學馬蹄
吟詩坐回首隨意葛巾低

長吟

江渚翻鷗戲官橋帶柳陰江飛競渡日草見踏青心已
撥形骸累真為爛漫深賦詩新句穩不覺自長吟

四語清新所謂人
移物換光景一番

至德二載甫自京金光門出間道歸鳳翔乾元
初從左拾遺移華州掾與親故別因出此門
有悲往事

此道昔歸順西郊胡正煩至今猶破膽應有未招魂近
侍歸京邑移官豈至尊無才日衰老駐馬望千門

第六句

溫厚

喜達行在所三首

西憶岐陽信無人遂却迴眼穿當落日心死著寒灰霧
樹行相引蓮峰望或開所親驚老瘦辛苦賊中來

愁思胡笳夕淒涼漢苑春生還今日事間道暫時人司
隸章初覩南陽氣已新喜心翻倒極鳴咽淚沾巾

死去憑誰報歸來始自憐猶瞻太白雪喜遇武功天影
靜千官裏心蘇七校前今朝漢社稷新數中興年

三首中肝腸踪跡描寫如畫化
作紀事便入司馬子長之筆矣

收京

生意甘衰白天涯正寂寥忽聞哀痛詔又下聖明朝羽
翼懷商老文思憶帝堯叨逢罪已日霑灑望青霄

三四
懇惻

汗馬收宮闕春城鏹賊壕賞應歌杖杜歸及薦櫻桃雜
虜橫戈數功臣甲第高萬方頻送喜無乃聖躬勞

收京

復道收京邑，兼聞殺犬戎。
衣冠却扈從，車駕已還宮。
寇復誠如此，安危在數公。
莫令回首地，慟哭起悲風。

收京數首多血誠語
憂喜所至如寫家事

驪山

驪山絕望幸花萼，罷登臨地下無朝燭。
人間有賜金鼎，湖龍去遠銀海鴈飛深。
萬歲蓬萊日長懸舊羽林。

三四殆
不忍讀

王命

漢北豺狼滿巴西道路難血埋諸將甲骨斷使臣鞍牢
落新燒棧蒼茫舊築壇深懷喻蜀意慟哭望王官

是老成憂國語肉食悠悠
萍踪愴愴自是千古長慨

渡江

春江不可渡二月已風濤舟楫歌斜疾魚龍偃卧高渚
花張素錦汀草亂青袍戲問垂綸客悠悠見汝曹

舟楫歌斜疾語最清
老結語托情深穩

自閬州領妻子却赴蜀山行

長林偃風色迴復意猶迷
衫裛翠微潤馬銜青草嘶
懸斜避石橋斷却尋谿何日干戈盡飄飄媿老妻

三四
色翠

泊岳陽城下

江國踰千里山城僅百層
岸風翻夕浪舟雪灑寒燈
留滯才難盡艱危氣益增
圖南未可料變化有鷗鵬

四六
語老

發潭州

夜醉長沙酒曉行湘水春
岸花飛送客檣燕語留人賈
傅才何有褚公書絕倫名高
前後事回首一傷神

三四
愴情

玉臺觀

浩劫因王造平臺訪古遊
綵雲蕭史駐文字魯恭留宮
闕通羣帝乾坤到十洲人傳
有笙鶴時過北山頭

禹廟

禹廟空山裏秋風落日斜
荒庭垂橘柚古屋畫龍蛇雲

氣生虛壁江聲走白沙早知乘四載疏鑿控三巴

三四
事切

秦州

州圖領同谷驛道出流沙降虜兼千帳居人有萬家
馬驕朱汗落胡舞白題斜年少臨洮子西來亦自誇

春望

國破山河在城春草木深感時花濺淚恨別鳥驚心
烽火連三月家書抵萬金白頭搔更短渾欲不勝簪

語語

氣渾

城上

草滿巴西綠空城白日長
風吹花片片春動水茫茫
八駿隨天子羣臣從武皇
遙聞出巡狩早晚遍遐荒

三四韻誦之
覺令神悴

避地

避地歲時晚竄身筋骨勞
詩書遂墻壁奴僕且旌旄
行在僅聞信此生隨所遭
神堯舊天下曾見出腥臊

三四

精悍

江上

江上日多雨蕭蕭荆楚秋高風下木葉永夜攬貂裘勲業頻看鏡行藏獨倚樓時危思報主衰謝不能休

三四格老五六情難看鏡
倚樓畢竟是少陵隱語

客夜

客睡何曾着秋天不肯明入簾殘月影高枕遠江聲計拙無衣食途窮仗友生老妻書數紙應悉未歸情

刈稻了詠懷

稻穫空雲水川平對石門寒風疎草木旭日散雞豚野
哭初聞戰樵歌稍出村無家問消息作客信乾坤

三四老
而得雅

遣憂

亂離知又甚消息苦難真受諫無今日臨危憶古人紛
紛乘白馬攘攘著黃巾隋氏留宮室焚燒何太頻

三四
溫厚

遣懷

愁眼看霜露寒城菊自花天風隨斷柳客淚墮清笳水
淨樓陰直山昏塞日斜夜來歸鳥盡啼殺後棲鴉

晴

久雨巫山暗新晴錦繡文碧知湖外草紅見海東雲竟
日鶯相和摩霄鶴數羣野花乾更落風處急紛紛

晚晴

村晚驚風度庭幽過雨霑夕陽薰細草江色映疎簾書

亂誰能帙杯乾自可添時聞有餘論未怪老夫潛

房兵曹胡馬

胡馬大宛名鋒稜瘦骨成竹批雙耳峻風入四蹄輕所向無空濶真堪託死生駉騰有如此萬里可橫行

嚴公廳宴同賦蜀道畫圖得空字

日臨公館靜畫列地圖雄劒閣星橋北松州雪嶺東華夷山不斷吳蜀水相通興與煙霞會清樽幸不空

閬州別房太尉墓

他鄉復行役駐馬別孤墳近淚無乾土低空有斷雲對
基陪謝傅把劒覓徐君唯見林花落鶯啼送客聞

故武衛將軍挽詞

嚴警當寒夜前軍落大星壯夫思敢決哀詔惜精靈王
者今無戰書生已勒銘封侯意疎闊編簡為誰青
哀挽青門去新阡絳水遙路人紛雨泣天意颯風颭部
曲精仍銳匈奴氣不驕無由覩雄畧大樹日蕭蕭

哭嚴僕射歸櫬

素幔隨流水歸舟返舊京老親如宿昔部曲異平生風
送蛟龍雨天長驃騎營一哀三峽暮遺後見君情

重哭李尚書

涕泗不能收哭君餘白頭兒童相顧盡宇宙此生浮江
雨銘旌濕湖風井邇秋還瞻魏太子賓客減應劉

哭李常侍嶧

一代風流盡修文地下深斯人不重見將老失知音短
日行梅嶺寒山落桂林長安若個畔猶想映貂金

結意往往尋

復是大家數

附奉濟驛重送嚴公四韻 遠送從此別青山空復
情幾時杯重把昨夜月同行列郡謳歌惜三朝出入
榮江村獨歸處寂寞養殘生

三四每用顛倒之法

附暮春題漢西新賃草堂 綠雲陰復白錦樹脫來
青身世雙蓬鬢乾坤一草亭哀歌時自短醉舞為誰
醒細雨荷鋤立江猿吟翠屏 乾坤一草亭乾坤自
大在雖瑤臺十層於乾坤何際此語怨而失其旨矣
附登岳陽樓 昔聞洞庭水今上岳陽樓吳楚東南
坼乾坤日夜浮親朋無一字老病有孤舟戎馬關山
北憑軒涕泗流 吳楚東南坼乾坤日夜浮自宋人
推尊至今六七百年矣今直不解其趣吳楚東南坼
此句原不得景但虛形之耳安見得洞庭在彼東南
吳楚遂坼為兩耶且將何以詠江也至乾坤日夜浮

更懸虛之極以之詠海庶可耳其意欲駕孟浩然而過之譬之於射仰天譬子高則高矣而矢過的矣

附江亭 坦腹江亭煖長吟野望時水流心不競雲在意俱遲寂寂春將晚欣欣物自私故園歸未得排

悶強裁詩 三 四 家數最小行到水窮處坐着雲起時此語如在層霄之上

附宿青草湖 洞庭猶在目青草續為名宿槩依農事郵籤報水程寒水爭倚薄雲月遞微明湖鴈雙雙

起人來
故北征

附滕王亭子 寂寞春山路君王不復行古牆猶竹色虛閣自松聲鳥鵲荒村暮雲霞過客情尚思歌吹

入千騎把霓旌 三四小

附春日江村 農務村村急春流岸岸深乾坤萬里眼時序百年心茅屋還堪賦桃源自可尋艱難昧生

理飄泊到如今
老杜好作縮意語
如風塵為客日
江海送君情
乾坤萬里眼
時序百年心
種種如此語
貴含情不貴縮意
徒令人讀之駐悶

附獨立
易往來遊草露亦多濕
蛛絲仍未收
天機近人事
獨端憂
空外一驚鳥
河間雙白鷗
飄飄搏擊便容

附南楚
南楚青春異
膾寒早早分
無名江上草
隨意巔頭雲
正月蜂相見
非時鳥共聞
杖藜妨躍馬
不是故離羣

附遊子
巴蜀愁誰語
吳門興杳然
九江春草外
三峽暮帆前
厭就成都卜
休為吏部眠
蓬萊如可到
衰白問羣仙

附旅夜書懷 細草微風岸危檣獨夜舟星垂平野
關月湧大江流 名豈文章著官應老病休飄飄何所
似天地一沙鷗 三
四寡趣稍近於呆

附宴戎州楊使君東樓 勝絕驚身老情忘發興奇
座從歌妓密樂任主人為重碧拈春酒輕紅擘荔枝
樓高欲愁思
橫笛未休吹

唐詩鏡卷二十五